



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**Name of School** : YING WA GIRLS' SCHOOL

**学校名称** : 英华女学校

**Name of Play 剧名** : 深水情缘

**Script writer 剧作者** : 胡喜童、吴家希、杨彦铃

**Synopsis 故事大纲:**

在深水埗开业已数十年的甜品铺<张记>，深受街坊欢迎，是众人闲来聚首的地方，大家都建立了一份深厚友谊，但随时张伯年纪渐大，新旧两代人的经营手法不同，加上经营环境困难，未能与时并进，最终<张记>能否继续服务街坊呢？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**第一场**

角色：Anna、张伯、华仔、英姐、食客 ABC

(糖水铺里的伙计都七手八脚地准备开铺，张伯一如既往地挂笑容，精神奕奕地跟员工们打招呼。)

英姐：(英姐在边抹碗边说)啊！呢个华仔，呢个钟数都仲未见人，成日都系咁，明知铺面得我一个架啦，就开铺架啦吗，影都唔见，咁大个人啦，仲系无厘搭雾。

华仔：(尴尬出现)搞错！激死我，我搭个架巴士中途故障，要我落车再等新一架巴士。垃圾巴士，浪费我青春，害我迟到！真系岂有此理！

英姐：(同步华仔的说话)……浪费我青春，害我迟到！真系岂有此理……，你呀！，下次可唔可以度过啲新嘢呀？我识背啦。

华仔：(尴尬)嘻！一时瞓过咙啫……

英姐：瞓过咙，寻晚又通宵打机呀？作屎呀你！快啲开工啦！

华仔：哦！

英姐：(精神)张伯！你返黎喇？

张伯：(微微一笑)系啊，英姐。

英姐：就开得铺架啦，你坐下先啦。

张伯：好呀好呀！有你同华仔系度，我放心晒。

英姐(旁白)：哼！呢个就系我地<张记>糖水铺慨老板张伯。呢间糖水铺已经系六十年代初开业到依家，已经有 40 年历史喇！唔好睇张伯佢一把年纪啊，其实佢依然神采飞扬，将间糖水铺管理得好好㗎。

华仔：午安啊，张伯。

张伯：系呀华仔。

华仔：啲野都准备得七七八八喇，而家净返 20 分钟等开铺。

张伯：好~好，辛苦晒喇。(横看四周)咦？点解唔见霞姐慨？

华仔：哦~ 佢要参加同乡慨婚礼呀嘛，佢上个星期唔系同你请咗假咩？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

张伯：(恍然大悟，拍头一下) 系喎~唉，年纪大咗就成日都唔记得嘢。

张伯：(看到铺门前已经有人等紧) 出面咁多客人等紧喎，而家天气冻。不如我哋早啲开铺，比佢地入嚟坐下，休息下吓嘛。

(员工们开铺,拉开大门,招呼顾客入内入座。)

华仔：(面向 Anna) 哦！咁我而家去开门啦，(客入进)！

张伯：大家好，随便坐呀，睇下想食啲乜嘢。

何太：一个莲子鸡蛋糖水。

华仔：(向厨房叫去) 一碗莲子鸡蛋。

陈太：一碗绿豆沙。

华仔：(向厨房叫去) 一个绿。

(客人碌碌续续进入甜品店，有一戴上墨镜的少女也坐下，并点了一碗甜品。)

Anna：(一女子坐下，向着张伯面带笑容) 呢度有无热咖啡呀？

张伯：呀！咖啡，无喎，我哋呢度食糖水架咋，有红豆沙绿豆沙……

Anna：Grandpa! I' m back! (冲过去抱着张伯)

张伯：(愕然) 你...系边个啊？

Anna：(抬头看着爷爷) 爷爷...你唔记得我喇...我系 Anna 啊！

英姐(旁白)：呢个就系张伯既孙女小豆，洋名就 Anna，不过三年前佢就去咗伦敦留学。张伯佢盼星星，盼月亮，都盼唔到佢(放暑假)返嚟嘅一日。

张伯：(扶一扶眼镜，发出啊一声) 哎呀！小豆，点解返左黎都唔同爷爷讲啊！(激动) 成个人唔同晒喎，爷爷我都差啲唔认得你啊，(今次放暑假要住耐啲呀)。

Anna：俾个 surprise 你啊嘛 (邹眉) 仲有啊爷爷，唔好再叫我小豆啦，我已经大个女喇，叫返我 Anna 啦。

张伯：(双手放在背后 慈祥地笑笑) 系喇系喇...等我整返碗糖水俾你食下啦。(把手轻轻放在 Anna 背上，拉开一旁的椅子) 坐低等等啦，好快整好嘎啦。

张伯：(转了身、没有看见 Anna 厌弃的样子) 小豆冇食我整慨糖水咁多年，一定好挂住我啲糖水喇... (边走边讲，声线渐弱)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(Anna 略带厌弃地坐在凳子上。)

(华仔看了一眼过来，笑着摇摇头。)

(店里渐渐变得多人 Anna 因觉得陌生而感到不自在，在旁边玩起手机来)

Anna: (托着头，细声说) 唉...我想食件 cheesecake 同饮 Latte 多啲。

(Anna 抬头看着拿着两碗糖水慨爷爷)

张伯: (捧着碗糖水想着 Anna 走去) 热辣辣慨红豆沙黎喇! (放下) 小心热啊!

Anna: (望着爷爷) 得啦得啦，你忙你慨野啦。(托着头，用汤匙搞动糖水)

张伯: (将糖水给一号桌食客) 你慨红豆沙，我特登加料畀你吖，睇下几大碗。

(Anna 抬头看爷爷。)

何太: 啱真系好足料呀，咁多莲子慨，唔该晒阿张伯。

张伯: (笑着摆了摆手) 你成日黎帮衬，我多谢返你先真。咁你慢慢食啦。

陈太: (摆手) 吾该卖单啊。

张伯: 多谢你 27 蚊啊。

陈太: (望银包搵钱) 好，嗯? 啊...唔好意思, 我原来剩返 25 蚊咋。(不知所措)

张伯: 唉~ 唔紧要啦，一场街坊，一两蚊啫。(微笑与食客道别)

Anna: (摇头、叹气) 咁样做生意点得㗎...

Anna: (抱怨) 爷爷啊! 你咁样唔得㗎。先唔讲啲糖水卖到咁平，你仲要畀佢哋除数。

不如加价啦...

(张伯停了手头上的工作，转身看向孙女。)

张伯: (语重心长) 咁就梗系唔得啦，而家生活艰难啊，我仲点可以向啲街坊加价，为咗赚多一两蚊而加重街坊慨负担呢。

Anna: 但系...

何太: 埋单。

张伯: (挥了挥手) 哦，嚟啦.....好喇，好喇。爷爷要招呼客人，你坐埋一边等先啦。

Anna: 唔系 le... 爷爷啊... (踏前一步)

(突然被一把声音打断)



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

华仔：张伯！我听日大约会迟两个钟头到啊，唔好意思啊哈！

张伯：得啦得啦！我明嘎啦...你放心做你慨野啦，迟多少少都有相干架。

张伯：（惊讶、不能理解）What.....两个钟/two hours? !

Anna：（拉着爷爷的手）爷爷！你点可以咁纵容啲员工架...

张伯：（不耐烦）爷爷自己有分数啦...你乖乖地坐低饮埋碗红豆沙啦。

(Anna 带着不忿)

Anna：（气馁，烦躁）点算好呢？都唔听人讲慨，...铺头真系会蚀唔少个啲（突然脑中灵光一闪，两眼放光睁大）啊！不如.....！（带点狡黠的微笑）

<第一场结束>